



**CONCELLO DE  
SANTIAGO**

**CONVENIO DE COLABORACIÓN CULTURAL ENTRE O CONCELLO DE  
SANTIAGO DE COMPOSTELA E O ATENEO DE SANTIAGO**

En Santiago de Compostela, a 16 de maio de 2017

**REUNIDOS**

Dunha parte, Don Martiño Noriega Sánchez, en calidade de Alcalde do Excmo. Concello de Santiago de Compostela, con domicilio, a estes efectos no Pazo de Raxoi, Praza do Obradoiro en Santiago de Compostela e C.I.F. 1507900-G.

Doutra, Don Francisco Candela Castrillo, en nome e representación do Ateneo de Santiago, en calidade de Secretario Xeral, con domicilio social en Praza de Salvador Parga, 4-2º, C.P. 15704, de Santiago de Compostela, e CIF G-70161096.

**MANIFESTAN**

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
3. Que o Ateneo de Santiago vén desenvolvendo unha intensa actividade no eido da cultura en colaboración con outras entidades, entre as que se atopa o Concello de Santiago de Compostela.
4. Que a devandita iniciativa cultural resulta de especial interese para o Concello de Santiago polo seu impacto positivo na difusión da educación, a ciencia, a cultura, a lingua galega e os valores democráticos.

É por isto e que se acorda establecer un convenio de colaboración de acordo coas seguintes

**CLÁUSULAS**

**Primeira:** Serán obxecto deste convenio as actividades que o Ateneo de Santiago desenvolve en Santiago de Compostela, actividades que teñen como fin a promoción da educación, a ciencia, a cultura e a lingua galega a través das actividades que se



## CONCELLO DE SANTIAGO

relacionan no Anexo 1.

**Segunda:** O Concello de Santiago colabora economicamente no desenvolvemento destas actividades (Anexo I) coa cantidade de **5.000 euros**, que serán ingresados na conta a nome do Ateneo de Santiago, con CIF G-70161096, que ten ao seu nome en ABANCA co número de conta **ES59 2080 0388 2730 4000 0966**. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer. Na cantidade obxecto do convenio entenderase incluído o Imposto sobre o Valor Engadido (IVE) e calquera outro tipo de imposto ou gasto.

**Terceira:** O pagamento realizarase logo da xustificación do gasto mediante a achega das facturas oficiais e recibos que correspondan, que deberán conter tódolos datos do perceptor, así como a correspondente retención do IRPF. Poderanse presentar os orixinais ou fotocopias compulsadas, a xustificación realizarase polo importe total da actividade non só pola contía da subvención.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extratos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministrados en restaurantes, gasolineiras, supermercados, etc, non podendo superar en ningún caso a contía de 600 €. Acreditarase o pagamento mediante factura ou recibín asinado polo acreedor indicando a data de abono debendo figurar a expresión recibín ou outra análoga.

Terán que chegar os seguintes documentos:

- Documentación acreditativa de que a actividade se realizou segundo o previsto.
- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.



## CONCELLO DE SANTIAGO

- Certificación da Consellería de Facenda da Xunta de Galicia que acredite que está ao corrente no pagamento das obrigas tributarias
- Certificado de non ter débedas co Concello de Santiago de Compostela
- Ingreso -selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e prace do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e prace do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de identificación fiscal

A xustificación das contías poderán realizarse de xeito parcial até acadar o máximo da contía concedida. A presetación da xustificación realizarase seguindo o modelo do Anexo 2.

**Cuarta:** A data límite para a xustificación do convenio será o 15 de novembro de 2017.

**Quinta:** O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a súa imaxe corporativa. Asemade o Ateneo de Santiago comprométese ao cumprimento das obrigas contidas na Lei Xeral de Subvencións 38/2003, a partir da data de sinatura.

**Sexta.-** Este convenio ten natureza administrativa e compételle ao Concello de Santiago o control da súa execución e a vixilancia do cumprimento do seu contido. O Concello de Santiago poderá, cando o considere oportuno, comprobar o estado de execución das actividades obxecto deste convenio. Crearase unha comisión mixta de seguimento da execución do convenio e para a solución e interpretación de controversias formada pola Concelleira de Acción Cultural e polo representante do



## CONCELLO DE SANTIAGO

beneficiario da subvención.

**Séptima.-** O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá o reintegro da subvención polas causas previstas no artigo 37 da Lei Xeral de subvencións.

**Oitava.-** Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante róticos, avisos, sinais informativos, publicidade, atención directa, etc., así como o obxecto mesmo da contratación, realizaranse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

**Novena:** A vixencia deste convenio é até o 31 de decembro de 2017. Este convenio rexerá durante o presente ano e poderá ser prorrogado para o seguinte, por acordo expreso das partes, cos mesmos obxectivos e por unha contía económica non inferior, supeditado á existencia de consignación orzamentaria.

**Décima:** Será responsabilidade do Ateneo de Santiago a organización, xestión, publicidade e asistencia técnica requiridas polas actividades incluídas neste convenio. O Ateneo de Santiago será tamén responsábel dos traballos que desenvolva e das prestacións e servizos realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.

En proba de conformidade cos termos deste convenio asínase, por duplicado, no lugar e data de encabezaemento.

Polo Concello de Santiago

Martiño Noriega Sánchez  
Alcalde de Santiago de Compostela

Polo Ateneo de Santiago

Francisco Candela Castrillo  
Secretario Xeral do Ateneo de  
Santiago



**CONCELLO DE  
SANTIAGO**

### **ANEXO I. ACTIVIDADES CULTURAIS DO ATENEO DE SANTIAGO DO ANO 2.017**

Luns, 3 de Abril. 20h. CONMEMORACIÓN DO DÍA DAS ARTES GALEGAS. Conferencia “Maruja Mallo, a pintura da nova muller”, impartida por D. Carlos Bernárdez, historiador e crítico de arte, organizada pola Sección Arte, Educación e Cultura. Lugar: R/ Vilar, 19.

Luns, 17 de Abril. 20h. CONMEMORACIÓN DO ANIVERSARIO DA PROCLAMACIÓN DA REPÚBLICA. Conferencia “Manuel Azaña: teoría e práctica da II República”, impartida por D. Emilio Grandío, Profesor de Historia Contemporánea da USC, organizada pola Sección Sociedade Civil. Lugar: R/ Vilar, 19.

Martes, 18 de abril. 19.30 h. CICLO “CINE EN COMPOSTELA”. Proxección da película “Trece badaladas” e coloquio con Suso de Toro, autor do libro. Lugar: Salón de Actos da Facultade de Filosofía da USC (Mazarelos).

Luns, 24 de Abril. 20h. Conferencia “Especies exóticas e invasións biolóxicas: *ecoxenofobia* e *cambio global*”, impartida por D. Fernando Cobo, Profesor da USC, organizada pola Sección Ciencia, Tecnoloxía e Medio. Lugar: R/ Vilar, 19.

Xoves, 4 de Maio. Presentación do libro “Poemas del diez de marzo” de Rafa Báñez.

Luns, 8 de Maio. 20h. Conferencia “Big data”, impartida por D. Mathieu Kessler, Catedrático de Matemática Aplicada e Estatística da Universidade Politécnica de Cartaxena, organizada polas Seccións Sociedade da Información e Ciencia, Tecnoloxía e Medio Ambiente. Lugar: R/ Vilar, 19.

Martes, 9 de maio. 19.30 h. CICLO “CINE EN COMPOSTELA”. Proxección da película “18 comidas” e coloquio co director Jorge Coira. Lugar: Salón de Actos da Facultade de Filosofía da USC (Mazarelos).

Sábado, 13 de Maio. Roteiro pola Mariña lucense.

Luns, 15 de Maio. 20h. CONMEMORACIÓN DO DÍA DAS LETRAS GALEGAS. Conferencia sobre Carlos Casares, impartida por D<sup>a</sup>. Dolores Vilavedra, profesora de Literatura Galega na USC e crítica literaria, organizada pola Sección Arte, Educación e Cultura. Lugar: R/ Vilar, 19.

Luns, 22 de Maio. 20h. Conferencia “A Sanidade española no século XXI”, impartida por D. Fernando Lamata, experto en Saúde Pública e Políticas de Saúde, organizada pola Sección Sociedade Civil. Lugar: R/ Vilar, 19.



## CONCELLO DE SANTIAGO

Luns, 29 de Maio. 20h. Conferencia “Gonzalo Torrente Ballester en Compostela”, impartida por D<sup>a</sup>. Carmen Becerra Suárez, Directora Cultural da Fundación Gonzalo Torrente Ballester, organizada pola Sección Compostela. Lugar: R/ Vilar, 19.

Martes, 30 de maio. 19.30 h. CICLO “CINE EN COMPOSTELA”. Proxección da película “Encallados” e coloquio co director Alfonso Zarauza. Lugar: Salón de Actos da Facultade de Filosofía da USC (Mazarelos).

Luns, 5 de Xuño. 20h. Conferencia “Contra a historia da novela negra”, impartida por D. Diego Ameixeiras, escritor e xornalista. Lugar: R/ Vilar, 19.

Mércores, 7 de Xuño. 15h. Roteiro industrial á fábrica de Inditex.

Sábado, 10 de Xuño. Roteiro pola Illa de Sálvora.

Luns, 12 de Xuño. 20h. Conferencia “O paso dos nazis por Galicia”, organizada pola Sección Arte, Educación e Cultura. Lugar: R/ Vilar, 19.

Luns, 19 de Xuño. 20h. Conferencia sobre Cadarso, impartida por D. Lourenzo Fernández Prieto, Catedrático de Historia Contemporánea da USC. Lugar: R/ Vilar, 19.

Sábado, 30 de Setembro. Roteiro pendente de determinar.

Luns, 2 de Outubro. 20h. Conferencia de Os Luns do Ateneo pendente de determinar. Lugar: R/ Vilar, 19.

Luns, 9 de Outubro. 20h. Conferencia de Os Luns do Ateneo pendente de determinar. Lugar: R/ Vilar, 19.

Luns, 16 de Outubro. 20h. Conferencia de Os Luns do Ateneo pendente de determinar. Lugar: R/ Vilar, 19.

Luns, 23 de Outubro. 20h. Conferencia de Os Luns do Ateneo pendente de determinar. Lugar: R/ Vilar, 19.

Venres, 27 e sábado, 28 de outubro. Xornadas micolóxicas. Lugar: salón de actos do Ateneo.

Luns, 30 de Outubro. 20h. Conferencia de Os Luns do Ateneo pendente de determinar. Lugar: R/ Vilar, 19.

Club de lectura, impartido por Raquel Blanco Prol, Licenciada en Xornalismo: martes, 4 e 18 de abril, 9 e 23 de maio, 6 e 20 de xuño e 10 e 24 de outubro. 17.30-19.00h. Lugar: biblioteca do Ateneo.



**CONCELLO DE  
SANTIAGO**

Curso de fotografía dixital, impartido por Soledad Felloza, Fotógrafa de Gastronomía e Patrimonio: luns, 13 e 20 de febreiro; 6, 13, 20 e 27 de marzo; e 17 e 24 de abril. 18.00-19.30h. Lugar: biblioteca do Ateneo.


Curso de meditación, impartido por Zinnia Maravell, especialista en acupuntura e ioga: mércores, 5 e 26 de abril; 3, 10, 24 e 31 de maio; 7, 14 e 21 de xuño; 4, 11, 18 e 25 de outubro. 19-20h. Lugar: salón de actos do Ateneo.

**ORZAMENTO DESAGREGADO DE GASTOS DAS ACTIVIDADES DO "ATENEO DE SANTIAGO" PARA O ANO 2.017.**

1. CONFERENCIANTES E OUTRO PERSOAL .....	3.400,00 €
2. ALUGUER DE LOCAIS .....	2.000,00 €
3. PUBLICIDADE E DISTRIBUCIÓN .....	1.200,00 €
4. TRANSPORTES .....	900,00 €
5. OUTROS GASTOS VARIOS .....	500,00 €

=====  
CONTÍA TOTAL DO PROXECTO: 8.000 €





**CONCELLO DE  
SANTIAGO**

4º.- Que os ingresos xerados pola realización da actividade subvencionada ascenden a un total de                    €, co seguinte detalle:

CONCEPTO	IMPORTE
TOTAL=	

5º.-Que os restantes gastos xerados pola actividade subvencionada foron financiados con cargo a

6º.-Da liquidación de ingresos e gastos se deriva que respecto do programa ou actividade realizada, cúmprese o disposto no artigo 31.1 da LXS, o importe dos ingresos e subvencións concedidas non supera o importe total dos gastos devengados, sendo destinadas todas as aportacións á actividade subvencionada

O que asino en                    a data de

Sinatura